

MALAYSIA
DEWAN RAKYAT
ATURAN URUSAN MESYUARAT

NASKHAH SAHIH/BAHASA MALAYSIA

<http://www.parlimen.gov.my>

HARI KHAMIS, 26 NOVEMBER 2015, PUKUL 10.00 PAGI

Bil. 57

PERTANYAAN-PERTANYAAN BAGI JAWAB LISAN

1. PR-1333-L70226
Datuk Koh Nai Kwong [Alor Gajah] minta **MENTERI BELIA DAN SUKAN** menyatakan apakah usaha yang diambil serta galakan yang diberikan untuk menggalakkan lebih banyak golongan belia dalam menceburkan diri dalam pembangunan negara.
2. PR-1333-L71059
Tuan Su Keong Siong [Ipoh Timor] minta **MENTERI SUMBER MANUSIA** menyatakan :-
 - (a) kategori-kategori pekerja yang dilindungi di bawah PERKESO; dan
 - (b) berapakah jumlah caruman SOCSO yang disumbangkan oleh majikan dan pekerja dan jumlah caruman yang telah dibayar kepada pencarum dan pewaris dalam tempoh lima tahun yang lepas.
3. PR-1333-L71367
Datuk Liang Teck Meng [Simpang Renggam] minta **MENTERI KESIHATAN** menyatakan sama ada Kementerian akan memperkenalkan undang-undang dalam menghalang penjualan rokok elektronik (*vape*) di kalangan remaja memandangkan populariti rokok elektronik semakin meningkat sejak beberapa tahun ini.
4. PR-1333-L70471
Tuan Ng Wei Aik [Tanjong] minta **MENTERI KEWANGAN** menyatakan sama ada suatu garis panduan dan kriteria yang baru akan digariskan bagi pinjaman membeli rumah kos rendah, kos sederhana rendah dan rumah mampu milik untuk golongan berpendapatan rendah memandangkan golongan tersebut mengalami pelbagai kesusahan untuk mendapat pinjaman perumahan daripada pihak bank.

5. PR-1333-L69524
Datuk Raime bin Unggi [Tenom] minta **MENTERI KOMUNIKASI DAN MULTIMEDIA** menyatakan rakyat Malaysia amat bergantung kepada *Google Map* dan *Waze* bagi tujuan pencarian lokasi dan secara tidak langsung maklumat berkaitan Malaysia telah dibekalkan kepada pihak luar seperti Amerika Syarikat dan Israel dan boleh membawa ancaman anasir luar. Apakah telah ada usaha Kerajaan untuk menangani permasalahan ini .
6. PR-1333-L70067
Tuan Wong Ling Bui [Sarikei] minta **MENTERI KERJA RAYA** menyatakan tahap pembinaan dan peningkatan Lebuhraya Pan-Borneo di Sarawak. Terangkan kadar pampasan bagi tanah, rumah dan tanaman yang telah digunakan untuk projek pembinaan lebuhraya tersebut.
7. PR-1333-L70609
Datuk Haji Shabudin bin Yahaya [Tasek Gelugor] minta **MENTERI PENDIDIKAN** menyatakan pendirian Kerajaan terhadap kelangsungan operasi sekolah SJKC dan SJKT dan adakah Kerajaan mempunyai cadangan untuk melaksanakan sekolah aliran kebangsaan sahaja.
8. PR-1333-L70163
Tuan Idris bin Haji Ahmad [Bukit Gantang] minta **MENTERI KESIHATAN** menyatakan adakah kerajaan bercadang untuk terus meletakkan gaji permulaan Doktor dengan skim gaji UD48 sebagai tanda penghargaan terhadap ilmu yang mereka miliki memandangkan bidang kedokteran merupakan bidang yang sukar dan panjang tempoh pengajiannya.
9. PR-1333-L71145
Ir. Shahrudin bin Ismail [Kangar] minta **MENTERI PERDAGANGAN DALAM NEGERI, KOPERASI DAN KEPENGUNAAN** menyatakan menurut laporan, sejumlah 5,724 kes telah diambil tindakan melalui Akta Kawalan Harga dan Anti Pencatutan 2011 dan Akta Timbang dan Sukat 1972. Nyatakan bentuk tindakan yang telah dikenakan dan sejauh manakah pengawasan dijalankan secara berkala ataupun hanya bermusim sahaja.
10. PR-1333-L70486
Tuan Mohamed Hanipa bin Maidin [Sepang] minta **MENTERI KERJA RAYA** menyatakan :-
 - (a) mengapakah sehingga kini pihak Kerajaan masih belum memulakan kerja-kerja pembinaan jejantas di persimpangan empat Dengkil/ Putrajaya/ Jenderam/ Bangi yang mengalami kesesakan yang amat teruk setiap hari di lebuhraya tersebut; dan
 - (b) bilakah kerja-kerja pembinaan jejantas itu akan dimulakan.
11. PR-1333-L70589
Tuan Anyi Ngau [Baram] minta **MENTERI KESIHATAN** menyatakan adakah pihak Kementerian mempunyai rancangan untuk meneruskan pembinaan klinik kesihatan di Sungai Peking dan Long Aton yang sudah lama tergendala di dalam tempoh 5 tahun yang akan datang .

12. PR-1333-L71424
Tuan Ahmad Baihaki bin Atiqullah [Kubang Kerian] minta **MENTERI KESIHATAN** menyatakan berapakah jumlah kes denggi sehingga September 2015 berbanding dua tahun sebelumnya, dan apakah Kerajaan tidak mempunyai cara yang berkesan untuk mengurangkan wabak ini daripada terus berlaku.
13. PR-1333-L70498
Datuk William @ Nyallau anak Badak [Lubok Antu] minta **MENTERI KESIHATAN** menyatakan apa sudah terjadi dengan pelaksanaan pembinaan klinik kesihatan Lubok Antu yang mana kelulusannya telah diumumkan oleh Perdana Menteri semasa pembentangan bajet untuk tahun 2015.
14. PR-1333-L70826
Tuan Julian Tan Kok Ping [Stampin] minta **MENTERI KESIHATAN** menyatakan perancangan yang sedia ada secara terperinci untuk mengatasi masalah yang dihadapi di Hospital Umum Sarawak, seperti kekurangan bilik pembedahan (*operation theatre*), kekurangan doktor pakar serta pakar *anaesthetic* dan peralatan yang uzur serta sentiasa rosak.
15. PR-1333-L70726
Datuk Seri Noh bin Haji Omar [Tanjong Karang] minta **MENTERI KEWANGAN** menyatakan adakah Kerajaan bercadang memberi pengecualian GST kepada peserta E-kasih golongan OKU dan pelajar Universiti.
16. PR-1333-L70052
Tuan Er Teck Hwa [Bakri] minta **MENTERI KESIHATAN** menyatakan hospital Kerajaan yang memiliki kepakaran dalam rawatan penyakit jantung berlubang di kalangan bayi, bilangan pesakit mengikut jantungina dan negeri dari tahun 2010 sehingga 2015 dan bantuan serta subsidi yang disediakan oleh Kerajaan berkaitan rawatan ini.
17. PR-1333-L69949
Dato' Shamsul Anuar bin Haji Nasarah [Lenggong] minta **PERDANA MENTERI** menyatakan kesan sasaran Program Transformasi Nasional akibat kejatuhan harga minyak dan nilai ringgit Malaysia dan apakah langkah Kerajaan bagi memastikan segala perancangan ini berjaya.
18. PR-1333-L71275
Tuan Mohamed Azmin bin Ali [Gombak] minta **PERDANA MENTERI** menyatakan apakah kesan kejatuhan harga minyak dunia terhadap perolehan dan pendapatan Petronas.
19. PR-1333-L69561
Datuk Sapawi bin Ahmad Wasali [Sipitang] minta **MENTERI PEMBANGUNAN WANITA, KELUARGA DAN MASYARAKAT** menyatakan jumlah pusat jagaan kanak-kanak atau taman asuhan kanak-kanak (Taska) yang dikenakan tindakan kerana gagal mematuhi garis panduan serta mekanisme yang ditetapkan, susulan banyak kes penderaan dan kematian di pusat-pusat seumpamanya.

20. PR-1333-L70133
Ust. Datuk Dr. Mohd. Khairuddin bin Aman Razali [Kuala Nerus] minta **MENTERI PERTANIAN DAN INDUSTRI ASAS TANI** menyatakan bilangan nelayan berdaftar di Kuala Nerus dan status penglibatan mereka dengan koperasi nelayan.
21. PR-1333-L69608
Dato' Abdul Manan bin Ismail [Paya Besar] minta **MENTERI KOMUNIKASI DAN MULTIMEDIA** menyatakan kegagalan Suruhanjaya Komunikasi dan Multimedia Malaysia (SKMM) menyekat laman sesawang yang mempromosi, menyebarkan maklumat dan menggalakkan orang ramai untuk bersetuju dalam sesuatu isu yang boleh memudaratkan ketenteraman awam yang semakin berleluasa sekarang.
22. PR-1333-L70782
Datuk Rozman bin Isli [Labuan] minta **PERDANA MENTERI** menyatakan langkah-langkah proaktif yang diambil bagi mengimbangi kesan negatif kejatuhan harga minyak di mana di Labuan sahaja, syarikat-syarikat Minyak dan Gas telah mengambil langkah mengurangkan ramai pekerja mereka dan ini memberi kesan langsung dan tidak langsung terhadap perkembangan ekonomi tempatan yang banyak bergantung kepada industri ini.
23. PR-1333-L70983
Dato' Ir. Haji Nawawi bin Ahmad [Langkawi] minta **MENTERI KEWANGAN** menyatakan :
- (a) berapakah jumlah hasil bersih dari *Goods & Service Tax (GST)* sejak dimulakan dari April 2015 dan apakah perbezaan pendapatan negara berbanding sistem cukai SST; dan

- (b) apakah pula program dan bantuan Kerajaan kepada rakyat miskin luar bandar hasil pendapatan dari GST.
24. PR-1333-L70150
Tuan Wan Hasan bin Mohd Ramli [Dungun] minta **MENTERI SUMBER ASLI DAN ALAM SEKITAR** menyatakan apakah langkah yang telah diambil untuk mengatasi pencemaran udara dan kesan sampingan terhadap keselamatan dan kesihatan rakyat khususnya berkaitan dengan perlombongan bauksit secara terbuka di Kuantan.
25. PR-1333-L71134
Datuk Zahidi bin Zainul Abidin [Padang Besar] minta **PERDANA MENTERI** menyatakan adakah Kerajaan akan mengkaji dan melaksana suatu skim Bank Makanan atau Bank Khidmat Sosial di bandar-bandar besar dan kawasan strategik bagi membolehkan fakir ataupun miskin yang sangat memerlukan makanan dan susu untuk anak-anak mereka mendapat bantuan cepat. Bank Makanan ini dicadangkan diuruskan oleh NGO dengan kerjasama dan pantauan Pusat Zakat dan dibiayai menggunakan sumber zakat dan seterusnya sumbangan sedekah daripada umum.
26. PR-1333-L71016
Tuan Shamsul Iskandar bin Mohd Akin [Bukit Katil] minta **MENTERI BELIA DAN SUKAN** menyatakan setelah kekalahan memalukan pasukan kebangsaan 10-0 dengan UAE :-
- (a) apakah tindakan-tindakan yang telah dan akan diambil selain daripada pilihan menggantung FAM; dan
- (b) apakah Kerajaan tidak bercadang untuk menggalakkan kewujudan liga bola sepak daerah dan tempatan bagi memperbanyakkan lagi bakat baru untuk diketengahkan setara dengan merudumnya mutu bola sepak negara.
27. PR-1333-L70022
Datuk Wilson Ugak Kumbong [Hulu Rajang] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan status Balai Bomba di Pekan Belaga dan di BRS Sungai Asap.
28. PR-1333-L70862
Tuan Nga Kor Ming [Taiping] minta **PERDANA MENTERI** menyatakan adakah benar Malaysia akan mendirikan loji tenaga nuklear yang berisiko tinggi menjelang tahun 2029 dan jika benar, berapakah kos yang akan terlibat.
29. PR-1333-L71109
Tuan Anuar bin Abd. Manap [Sekijang] minta **MENTERI DALAM NEGERI** menyatakan :-
- (a) berapa lamakah tempoh masa yang dianggap selamat untuk kegunaan bangunan, infrastruktur dan pendawaian sesebuah Ibu Pejabat Polis Daerah memandangkan IPD di Segamat sudah menjangkau usia hampir 80 tahun.; dan

- (b) berapakah jumlah peruntukan tahunan yang disediakan kepada IPD, balai dan pondok polis di setiap daerah terutama dalam daerah Segamat
30. PR-1333-L71443
Tuan Tan Kok Wai [Cheras] minta **PERDANA MENTERI** menyatakan perubahan dasar Kerajaan terhadap Perjanjian Malaysia memandangkan tuntutan bagi autonomi Sabah dan Sarawak semakin meningkat. Apakah hak dan keperluan dua negeri yang dikenal pasti telah diabaikan.
31. PR-1333-L71548
Tuan Sim Tong Him [Kota Melaka] minta **MENTERI PELANCONGAN DAN KEBUDAYAAN** menyatakan tentang tapak dan kawasan pelancongan yang paling menarik di Bandaraya Kuala Lumpur :-
- (a) apakah keistimewaan Jalan Chow Kit, Jalan Petaling dan Little India; dan
- (b) adakah jenis makanan dan barang jualan di tempat itu sudah lama dipromosikan oleh Kementerian Pelancongan.
32. PR-1333-L69985
Dato' Dr. Mujahid Yusof Rawa [Parit Buntar] minta **PERDANA MENTERI** menyatakan usaha menghubungkan antara bandar bagi menggalakkan pertumbuhan ekonomi.
33. PR-1333-L69596
Laksamana Pertama Mohamad Imran bin Abd Hamid (B) [Lumut] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan supaya mewujudkan suatu akta yang membenarkan pemaju perumahan menjual rumah-rumah yang telah siap dibina sahaja tidak seperti sekarang demi melindungi pembeli daripada tertipu.
34. PR-1333-L71569
Dr. Mansor bin Abd Rahman [Sik] minta **MENTERI PERDAGANGAN DALAM NEGERI, KOPERASI DAN KEPENGGUNAAN** menyatakan berapakah aduan berkaitan GST yang diterima oleh Kementerian dan berapakah kompaun atau denda yang telah dikeluarkan kepada peniaga yang tidak mematuhi arahan-arahan berkaitan GST sehingga kini.
35. PR-1333-L69514
Datuk Dr. Haji Abd. Latiff bin Haji Ahmad [Mersing] minta **MENTERI PELANCONGAN DAN KEBUDAYAAN** menyatakan apakah tindakan Kementerian dalam memastikan artifak kapal tamadun Sungai Kuno di kawasan Tapak Arkeologi Sungai Batu terpelihara memandangkan kapal tersebut masih belum diangkat dan diancam kerosakan.

36. PR-1333-L70630
Datuk Haji Datu Nasrun bin Datu Mansur [Silam] minta **MENTERI LUAR NEGERI** menyatakan apakah tindakan yang telah diambil oleh Kerajaan Malaysia dalam menyelesaikan isu tuntutan Filipina terhadap Sabah seperti yang dinyatakan oleh Presiden Filipina Benigno S. Aquino yang menyatakan bahawa Filipina akan terus menuntut Sabah.
37. PR-1333-L70233
Dato' Haji Zainudin bin Ismail [Jelebu] minta **PERDANA MENTERI** menyatakan :-
- (a) apakah status terkini kedudukan Pasukan Penyiasat Khas yang ditubuhkan oleh Pejabat Peguam Negara bagi menyiasat kes 1MDB dan bilakah pasukan ini dijangka dapat menyiapkan laporan mereka; dan
 - (b) adakah Kerajaan bercadang untuk membentangkan ke Parlimen hasil laporan tersebut.
38. PR-1333-L69767
Tuan Charles Anthony Santiago [Klang] minta **MENTERI KESIHATAN** menyatakan kesediaan Kerajaan untuk mengisytiharkan tahap kecemasan bagi penyakit denggi. Dalam pada itu, apakah langkah-langkah lain oleh Kerajaan untuk membanteras pembiakan nyamuk aedes.
39. PR-1333-L71451
Dr. Hajah Siti Mariah binti Mahmud [Kota Raja] minta **MENTERI KEWANGAN** menyatakan jumlah kes yang telah berjaya dibawa ke mahkamah di bawah Akta Pencegahan Pengubahan Wang Haram (Akta 613) dan apakah pengecualian-pengecualian jika ada yang menyebabkan kes-kes tersebut terkecuali daripada dakwaan.
40. PR-1333-L71124
Tuan Jeff Ooi Chuan Aun [Jelutong] minta **MENTERI DALAM NEGERI** menyatakan bahawa bukannya Kerajaan telah mengguna-pakai dua piawaian berlainan dalam menangani perhimpunan raksasa antara Bersih 4 yang langsung tidak menyentuh sifat perkauman yang sensitif, dan Perhimpunan Baju Merah anjuran PESAKA yang menuntut Sekolah Jenis Kebangsaan Cina dihapuskan.
41. PR-1333-L71217
Dato' Kamarul Baharin bin Abbas [Telok Kemang] minta **PERDANA MENTERI** menyatakan :-
- (a) jumlah saham Syarikat Felda Global Ventures Holdings Bhd. (FGVH) yang dimiliki oleh peneroka FELDA pada masa kini; dan
 - (b) berapa ramai peneroka yang terlibat.

42. PR-1333-L70205
Dato' Ngeh Koo Ham [Beruas] minta **MENTERI DALAM NEGERI** menyatakan apakah dokumen-dokumen yang telah terbakar apabila berlakunya kebakaran di Menara 2 Polis Diraja Malaysia di Bukit Aman, Kuala Lumpur pada 29 Julai 2015.
43. PR-1333-L70356
Tuan Gooi Hsiao-Leung [Alor Setar] minta **MENTERI DALAM NEGERI** menyatakan apakah keputusan tindakan berlanjutan yang telah diambil oleh pejabat Peguam Negara ke atas kertas siasatan polis yang telah diserahkan kepadanya terhadap kenyataan Mashitah Ibrahim yang menyatakan komuniti Cina di Kedah membakar Al-Quran, semasa Perhimpunan Agong UMNO.
44. PR-1333-L69637
Tuan Khoo Soo Seang [Tebrau] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan apakah status penyediaan pusat kitar semula dan infrastruktur yang akan diberikan oleh Kementerian untuk meningkatkan kadar kitar semula di kalangan masyarakat.
45. PR-1333-L71095
Tuan V. Sivakumar [Batu Gajah] minta **MENTERI SUMBER MANUSIA** menyatakan jumlah dan kadar pengangguran mengikut negeri pada masa ini. Bagaimanakah Kementerian akan menangani pengangguran di kalangan belia dan siswazah yang semakin meruncing terutamanya apabila ekonomi semakin lembap.
46. PR-1333-L70682
Dr. Haji Izani bin Haji Husin [Pengkalan Chepa] minta **PERDANA MENTERI** menyatakan adakah Unit Perancang Ekonomi telah membuat perancangan terperinci berkaitan projek menaik taraf Lapangan Terbang Sultan Ismail Petra dan projek tebatan banjir yang telah diluluskan dalam rancangan Malaysia ke 11(RMK-11).
47. PR-1333-L70972
Dr. Ong Kian Ming [Serdang] minta **MENTERI PENGANGKUTAN** menyatakan mengapa kelewatan dalam penyiapan tempat letak kereta bertingkat di KTM Serdang berlaku dan tindakan yang akan diambil terhadap kontraktor.
48. PR-1333-L69804
Dato' Haji Mahfuz bin Omar [Pokok Sena] minta **MENTERI DALAM NEGERI** menyatakan :-
- (a) dokumen-dokumen yang berkaitan 1MDB yang dikatakan telah dipalsukan oleh laman Sarawak Report atau mana-mana pihak lain sebelum disiarkan di dalam laman Sarawak Report; dan
 - (b) fakta-fakta di dalam dokumen-dokumen tersebut yang dikatakan telah dipalsukan, diubah atau direka oleh Sarawak Report atau mana-mana pihak lain.

49. PR-1333-L70375
Tan Sri Datuk Seri Panglima Joseph Pairin Kitingan [Keningau] minta **MENTERI PENDIDIKAN** menyatakan bilakah pembinaan SMK Desa Wawasan Tambunan yang telah diluluskan pada tahun 2013 di Keningau dengan peruntukan sebanyak RM40 juta akan dimulakan.
50. PR-1333-L70546
Tuan Sim Tze Tzin [Bayan Baru] minta **MENTERI PENDIDIKAN TINGGI** menyatakan bilangan pelajar Bumiputra Sarawak minoriti yang diterima masuk ke IPTA mengikut suku kaum seperti Iban, Bidayuh, Melanau, Orang Ulu dan lain-lain untuk lima tahun yang lepas. Nyatakan secara terperinci mengikut suku kaum dan tahun.
51. PR-1333-L70295
Dato' Mohd Ariff Sabri bin Abdul Aziz [Raub] minta **PERDANA MENTERI** menyatakan :-
- (a) berapakah kos mencuci FELDA Towers sebulan; dan
 - (b) berapakah jumlah syarikat yang dipanggil untuk membida kontrak mencuci bangunan FELDA Towers.
52. PR-1333-L71168
Tuan Ahmad Marzuk bin Shaary [Bachok] minta **MENTERI KEWANGAN** menyatakan apakah tindakan yang diambil oleh Kerajaan apabila Gabenor Bank Negara menyebut bahawa kejatuhan nilai mata wang negara akibat daripada isu 1MDB. Nyatakan kesan ketara kepada rakyat akibat kejatuhan nilai mata wang negara bagi golongan miskin tegar, miskin, pertengahan dan kaya. Apakah usaha-usaha terkini Kerajaan dalam menguatkan nilai mata wang negara.
53. PR-1333-L70426
Datuk Mohd Idris bin Jusi [Batu Pahat] minta **PERDANA MENTERI** menyatakan langkah-langkah yang telah, sedang dan akan dilakukan bagi menjadikan Parlimen sebuah institusi yang dipersepsi rakyat sebagai sebuah institusi berwibawa dan tidak hanya sebagai *instrument* kepada kehendak pihak Eksekutif.
54. PR-1333-L69853
Dato' Othman bin Aziz [Jerlun] minta **MENTERI PERTANIAN DAN INDUSTRI ASAS TANI** menyatakan apakah langkah yang telah diambil bagi memperbanyakkan lagi bilangan Pusat Penyelidikan Industri Padi bagi meningkatkan hasil, kepelbagaian benih dan penggunaan input pertanian yang sesuai mengikut kawasan tanaman di negara ini.
55. PR-1333-L69511
Dato' Wira Othman bin Abdul [Pendang] minta **MENTERI KOMUNIKASI DAN MULTIMEDIA** menyatakan bilakah Kerajaan akan bertindak ke atas pengamal media sosial yang menabur fitnah, pembohongan, menghina agama dan menggugat perpaduan yang boleh menghancurkan negara.

56. PR-1333-L69672
Datuk Juslie bin Ajirol [Libaran] minta **MENTERI KOMUNIKASI DAN MULTIMEDIA** menyatakan tahap pencapaian terbaru Kementerian dalam merealisasikan projek pendigitalan penyiaran nasional di seluruh negara.
57. PR-1333-L70850
Dato' Hasan bin Arifin [Rompin] minta **MENTERI KEWANGAN** menyatakan paras hutang isi rumah rakyat Malaysia berdasarkan pecahan hutang yang dibuat dari tahun 2014 sehingga kini. Adakah hutang isi rumah rakyat Malaysia berpotensi melebihi nilai KDNK negara dalam tempoh jangka masa lima tahun.
58. PR-1333-L70528
Puan Hajah Normala binti Abdul Samad [Pasir Gudang] minta **MENTERI TENAGA, TEKNOLOGI HIJAU DAN AIR** menyatakan apakah relevan untuk orang ramai perlu membayar kepada Kumpulan Wang Tenaga Boleh Baharu (KWTBB) sebanyak 1.6% daripada bil eklektik bulanan mereka dan di manakah penggunaan tenaga boleh baharu ini dalam kehidupan seharian rakyat Malaysia.

PADA PERMULAAN URUSAN MESYUARAT
MENGEMUKAKAN RANG UNDANG-UNDANG KERAJAAN
UNTUK BACAAN KALI YANG PERTAMA

1. **Menteri Perdagangan Dalam Negeri, Koperasi Dan Kepenggunaan**
 - * Rang Undang- undang Persaingan (Pindaan) 2015.

* Menandakan bahawa Rang Undang-undang ini akan dibawa pada semua peringkat di mesyuarat ini.

ATURAN URUSAN MESYUARAT DAN USUL-USUL

1. **Menyambung semula pertimbangan ke atas Rang Undang-undang Perbekalan 2016 (D.R. 31/2015) dan Usul Anggaran Perbelanjaan Pembangunan 2016 seperti berikut :-**

“Bahawa Dewan ini, mengikut subseksyen 4(3) Akta Kumpulan Wang Pembangunan 1966 [Akta 406], membuat ketetapan iaitu suatu jumlah wang sebanyak tidak lebih dari lima puluh dua bilion ringgit (RM52,000,000,000) dibelanjakan daripada Kumpulan Wang Pembangunan bagi tahun 2016, dan bagi tujuan dan butiran perbelanjaan pembangunan yang dinyatakan di bawah Maksud Pembangunan atau (“P”) dalam senarai Anggaran Perbelanjaan Persekutuan 2016, yang dibentangkan sebagai Kertas Perintah 42 Tahun 2015, adalah diuntukkan di bawah Maksud-maksud yang berkenaan jumlah-jumlah yang bersestentangan dengan butiran-butiran itu di ruangan enam dan tujuh senarai tersebut.”

Dalam Jawatankuasa Sebuah-buah Majlis (25 November, 2015)

2. **Perdana Menteri akan mencadangkan :**

“ Bahawa Dewan ini membuat ketetapan di bawah Seksyen 10, Jadual Ketiga Belas, Perlembagaan Persekutuan bahawa draf bagi Perintah Perlembagaan Persekutuan (Persempadanan Bahagian-Bahagian Pilihan Raya) (Negeri Sarawak) 2015, (Kertas Statut ST.93 Tahun 2015), yang telah dibentangkan dalam Dewan ini pada 26 November 2015 bersama dengan Laporan Suruhanjaya Pilihan Raya bertarikh 19 Ogos 2015 mengenai Kajian Semula Persempadanan Mengenai Syor-Syor Yang Dicadangkan Bagi Bahagian-Bahagian Pilihan Raya Persekutuan Dan Negeri Di Dalam Negeri Sarawak Kali Keenam Tahun 2015, (Kertas Statut ST.92 Tahun 2015), dan yang akan dibuat di bawah Seksyen 12, Jadual Ketiga Belas, Perlembagaan Persekutuan untuk menguatkuasakan syor-syor yang terkandung dalam laporan tersebut, adalah diluluskan.”

3. **Menteri di Jabatan Perdana Menteri akan mencadangkan :**

“ **BAHAWA** Majlis mengambil maklum berkenaan peristiwa pencerobohan bersenjata di Kampung Tanduo, Lahad Datu pada 12 Februari 2013 oleh kumpulan yang dikenal pasti sebagai pengikut Jamalul Kiram III bagi merampas wilayah di pantai timur Sabah.

BAHAWA pencerobohan kumpulan tersebut ternyata telah mencabar kedaulatan Negara dan telah mengakibatkan kehilangan nyawa anggota keselamatan Negara.

BAHAWA sebagaimana yang telah dilaporkan di laman media sosial dan gambar yang dimuat naik oleh Puteri Jacel Kiram pada 9 November 2015, Yang Berhormat Lembah Pantai telah menghadiri pertemuan bersama dengan Puteri Jacel Kiram yang merupakan anak kepada Jamalul Kiram III.

BAHAWA Yang Berhormat Lembah Pantai sedia maklum bahawa Puteri Jacel Kiram menentang kedudukan Sabah sebagai sebahagian daripada Negara Malaysia dan sehingga kini masih menuntut negeri Sabah adalah milik Kesultanan Sulu.

BAHAWA pertemuan Yang Berhormat Lembah Pantai dan Puteri Jacel Kiram tersebut menimbulkan prasangka negatif dan tidak sensitif terhadap peristiwa pencerobohan Lahad Datu yang telah mencabar kedaulatan Negara.

BAHAWA pertemuan Yang Berhormat Lembah Pantai bersama dengan anak kepada dalang pencerobohan Negara telah dilihat bertentangan dengan angkat sumpah sebagai ahli Parlimen dan sumpah setia beliau kepada Malaysia yang telah berikrar untuk menumpahkan taat setia yang sebenar kepada Malaysia, memelihara, melindungi dan mempertahankan Perlembagaannya.

DAN BAHAWA tindakan Yang Berhormat Lembah Pantai tersebut merupakan suatu penghinaan kepada Majlis Mesyuarat yang turut mencemarkan nama baik dan prestij Dewan Rakyat.

MAKA inilah dipersetujui Yang Berhormat Lembah Pantai hendaklah dirujuk kepada Jawatankuasa Hak dan Kebebasan ”.

- | | | | |
|----|----------------|---|-----------------------------------|
| 4. | (D.R. 32/2015) | Rang Undang-undang Kewangan 2015

[Menteri Kewangan] | Bacaan Kali
Yang Kedua |
| 5. | (D.R. 28/2015) | Rang Undang-undang Perbadanan Insurans Deposit
Malaysia (Pindaan) 2015 - Menyambung semula
Perbahasan atas masalah, “Bahawa Rang
Undang-undang ini dibacakan kali yang kedua
sekarang”
(22 Oktober 2015)

[Menteri Kewangan] | |
| 6. | (D.R. 33/2015) | Rang Undang- undang Tabung Angkatan
Tentera (Pindaan) 2015

[Menteri Pertahanan] | Bacaan Kali
Yang Kedua |
| 7. | (D.R. 30/2015) | Rang Undang-undang Syarikat 2015

[Menteri Perdagangan Dalam Negeri,
Koperasi dan Kepenggunaan] | “ |
| 8. | (D.R. 29/2015) | Rang Undang-undang Skim Kepentingan
2015.

[Menteri Perdagangan Dalam Negeri,
Koperasi dan Kepenggunaan] | “ |

9. (D.R. 34/2015) Rang Undang-undang Dadah Berbahaya (Langkah-Langkah Pencegahan Khas) (Pindaan) 2015. “

[Menteri Dalam Negeri]

10. (D.R. 9/2015) Rang Undang-undang Kanun Tatacara Jenayah (Pindaan) 2015 “

[Menteri di Jabatan Perdana Menteri]

11. (D.R.12/2015) Rang Undang-undang Keterangan (Pindaan) 2015 “

[Menteri di Jabatan Perdana Menteri]

12. (D.R. 24/2015) Rang Undang-undang Dadah Berbahaya (Pindaan) (No. 2) 2014 “

[Menteri Kesihatan]

13. PR-1333-U69963

Datuk Dr. Makin @ Marcus Mojigoh [Putatan] akan mencadangkan:-

“Bahawa Dewan ini mengambil maklum bahawa sejak akhir-akhir ini, dan Gerakan Sabah-Sarawak keluar Malaysia (SSKM) kian mendapat perhatian dan sokongan dari sebilangan kecil rakyat dari kedua-dua negeri ini. Bahawa Dewan ini mengambil maklum bahawa, terdapat rungutan-rungutan di kalangan rakyat negeri Sabah dan Sarawak dalam beberapa isu yang mereka fikirkan bahawa hak mereka, seperti yang dijanjikan dan terkandung dalam Perjanjian Malaysia 1963 telah dicabuli atau tidak ditunaikan. Dan mengambil maklum juga, antara isu utama yang disuarakan dalam rungutan ini adalah kebanyakan pendatang asing ke negeri Sabah dan di tambah buruk pula dengan pemberian status warga Negara kepada mereka ini. Dan mengambil maklum juga bahawa, setiap kali isu 20 perkara (bagi Negeri Sabah) dan 16 perkara (bagi Negeri Sarawak) dalam Perjanjian Malaysia ini disuarakan, terdapat usaha-usaha pihak tertentu untuk mensenyapkan isu ini dan akhirnya rungutan-rungutan ini menjadi satu gerakan ketidakpuasan hati rakyat. Dan mengambil maklum juga bahawa, gerakan ketidakpuasan hati rakyat ini telah sampai satu tahap di mana mereka secara terbuka mengelarkan diri mereka sebagai aktivis Sabah-Sarawak keluar Malaysia atau ringkasnya SSKM. Dalam hal ini, Kerajaan hendaklah memandang serius akan kesan dan implikasi perpaduan rakyat serta ketenteraman negara pada keseluruhannya. Kita maklum bahawa, mengambil tindakan Undang-undang semata-mata untuk menghalang mereka ini bagi menyuarakan rungutan mereka ini tidak akan menyelesaikan isu yang ditimbulkan, malah akan merumitkan keadaan lagi di mana mereka akan semakin mendapat simpati daripada kalangan rakyat yang lainnya sementara Kerajaan pula dianggap sebagai tidak perihatin dan kuku besi.

Maka, bagi menangani masalah isu ini, Dewan ini hendaklah mengambil ketetapan bahawa Kerajaan hendaklah merangka satu gerak kerja untuk menangani isu ini secara Holistik termasuklah menjemput dan mendengar rungutan mereka yang menggelarkan diri mereka sebagai SSKM ini."

[Menteri Dalam Negeri]

14. PR-1333-U69964

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa, terdapat rungutan-rungutan dikalangan rakyat bahawa sejak akhir-akhir ini, perpaduan, keharmonian, kesejahteraan dan kerjasama antara rakyat negara ini yang terdiri dari berbilang kaum dan agama telah terhakis. Dan mengambil maklum juga, antara isu utama menyebabkan perkara ini berlaku kerana terdapat golongan tertentu yang memainkan isu bangsa dan agama sewenang-wenangnya serta rakyat merasakan tidak ada tindakan tegas yang diambil bagi menangani masalah ini. Dan mengambil maklum juga bahawa, Perhimpunan Bersih 4 dan Perhimpunan Rakyat Bersatu baru-baru ini telah menanamkan bibit kebencian serta syak wasangka antara kaum di negara ini. Dan mengambil maklum juga bahawa, Rukun Negara sebagai tonggak perpaduan, keharmonian, kesejahteraan dan kerjasama antara rakyat negara ini secara tidak langsung tidak lagi dihormati dan dipatuhi. Dalam hal ini, Kerajaan hendaklah memandang serius akan kesan dan implikasi perpaduan rakyat serta ketenteraman negara pada keseluruhannya. Maka, bagi menangani masalah isu ini, Dewan ini hendaklah mengambil ketetapan bahawa Kerajaan hendaklah merangka satu gerak kerja untuk menangani isu ini secara Holistik termasuklah menjemput dan mendengar rungutan mereka ini. Kerajaan juga hendaklah menguatkuasakan segala peruntukan Undang-undang yang ada bagi menghalang mana-mana demokrasi atau perjumpaan umum yang membangkitkan isu bangsa dan agama, yang boleh menggugat perpaduan, keharmonian, kesejahteraan dan kerjasama antara rakyat negara ini."

[Perdana Menteri]

15. PR-1333-U69965

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa, terdapat laporan mengatakan bahawa operasi bot lautan dalam yang beroperasi di negara ini tidak mendatangkan faedah kepada negara ini secara total. Dan mengambil maklum juga, antara isu utama yang disuarakan dalam laporan ini adalah, para pengusaha bot lautan dalam ini menjual minyak diesel bersubsidi kepada bot-bot asing. Dan mengambil maklum bahawa, terdapat juga laporan bahawa tangkapan bot lautan dalam ini dijual kepada nelayan asing yang menawarkan harga yang lebih baik. Dan mengambil maklum juga bahawa, kedua-dua aktiviti yang disebutkan ini telah mendatangkan kerugian yang besar kepada negara ini, sama ada dari segi subsidi diesel mahupun dari segi tangkapan hasil lautan di negara ini dijual ke negara asing.

Maka, bagi menangani masalah isu ini, Dewan ini hendaklah mengambil ketetapan bahawa Kerajaan hendaklah merangka satu sistem kawalan yang bersepadu bagi memastikan bahawa semua diesel bersubsidi digunakan dengan niat asal serta tangkapan tersebut hendaklah dipasarkan di negara ini.”

[Menteri Pertanian dan Industri Asas Tani]

16. PR-1333-U69966

Datuk Dr. Makin @ Marcus Mojigoh [Putatan] akan mencadangkan:-

“Bahawa Dewan ini mengambil maklum bahawa, isu 1MDB telah mencemarkan nama baik Kerajaan dan Negara Malaysia pada umumnya. Dan mengambil maklum juga, isu 1MDB telah sedikit sebanyak menghakis kepercayaan pelabur asing kepada Sistem Pelaburan di Negara ini. Dan mengambil maklum juga bahawa, isu 1MDB telah disensasikan melalui media sosial, media elektronik dan media asing dengan sewenang-wenangnya yang menggambarkan bahawa syarikat milik Kerajaan ini hampir muflis dan liabilitinya perlu ditanggung oleh Kerajaan. Dan mengambil maklum juga bahawa, hasil daripada kemuskilan ini, rakyat pada umumnya mempersoalkan cara kerja Kerajaan mentadbir 1MDB sehingga mengalami kerugian yang besar dan terpaksa menanggung liability 1MDB. Maka, bagi menangani masalah ini, Dewan Yang Mulia ini hendaklah mengambil ketetapan bahawa, Kerajaan hendaklah memperjelaskan secara terperinci mengenai model perniagaan 1MDB kepada umum agar satu gambaran yang telus dapat mereka perolehi serta mengembalikan kebolehppercayaan rakyat kepada Kerajaan masa kini.”

[Menteri Kewangan]

17. PR-1333-U70485

Tuan Ng Wei Aik [Tanjong] akan mencadangkan:-

“Bahawa Dewan Rakyat ini mengambil ketetapan untuk mengutuk Perhimpunan Rakyat Bersatu yang diadakan pada 16 September 2015 yang sifatnya berbau perkauman serta bertujuan mengapi-apikan sentimen perkauman, termasuk menuntut supaya sekolah-sekolah Cina ditutup, menggelar anggota-anggota polis yang bertugas sebagai “barua Cina”, cuba menimbulkan kekecohan di Jalan Petaling serta mempersoalkan keperluan “Little India” diwujudkan dan tindakan-tindakan yang sewajarnya harus diambil terhadap pihak penganjur dan pihak-pihak yang harus bertanggungjawab.”

[Menteri Dalam Negeri]

18. PR-1333-U70272

Tuan M. Kulasegaran [Ipoh Barat] akan mencadangkan:-

“Bahawa Dewan ini mengambil maklum demi kepentingan negara dan masyarakat sejagat pandangan serius terhadap kestabilan ekonomi dan kemajuan negara harus diberi perhatian sepenuhnya. Oleh yang demikian Dewan ini perlu mengambil maklum mengenai perkara ini dan mengarahkan Kerajaan untuk mengatasi masalah ini.”

[Perdana Menteri]

19. PR-1333-U70255

Dr. Tan Seng Giaw [Kepong] akan mencadangkan:-

“Bahawa Menteri Kewangan membincangkan cara-cara yang diambil untuk mempertahankan nilai ringgit.”

[Menteri Kewangan]

20. PR-1333-U70256

Dr. Tan Seng Giaw [Kepong] akan mencadangkan:-

“Bahawa Menteri Sumber Asli dan Alam Sekitar mendebatkan masalah jerebu di rantau in.”

[Menteri Sumber Asli dan Alam Sekitar]

21. PR-1333-U71552

Tuan Fong Kui Lun [Bukit Bintang] akan mencadangkan:-

“Bahawa Kerajaan mempergiatkan usaha untuk menyatu padukan rakyat berbilang kaum di Malaysia yang kelihatan masih lemah dan longgar meskipun negara telah menjadi negara merdeka dan berdaulat sejak 58 tahun lalu supaya mereka boleh hidup dengan aman dan saling memerlukan dan memahami bagi memudahkan mereka membangunkan ekonomi negara secara bersama dan merealisasikan impian Malaysia.”

[Perdana Menteri]

22. PR-1333-U71553

Tuan Fong Kui Lun [Bukit Bintang] akan mencadangkan:-

“Bahawa Kerajaan memulihkan pilihan raya Kerajaan Tempatan seluruh negara supaya urus tadbir Kerajaan menjadi cekap, akauntabiliti dan bersih dengan mengambil langkah pertama untuk membuat kajian serius dan melakukan pungutan suara antara rakyat.”

[Menteri Kesejahteraan Bandar, Perumahan dan Kerajaan Tempatan]

23. PR-1333-U69805

Dato' Kamarudin bin Jaffar [Tumpat] akan mencadangkan:-

“Bahawa Dewan ini memutuskan untuk Malaysia menerima masuk, memberi perlindungan dan akhirnya memberikan taraf kewarganegaraan kepada 1000,000 orang rakyat negara Syria daripada jutaan orang yang sekarang menjadi pelarian di Turki dan Eropah.”

[Perdana Menteri]

24. PR-1333-U69806

Dato' Kamarudin bin Jaffar [Tumpat] akan mencadangkan:-

“Bahawa Dewan ini merakamkan perasaan sedih dan kecewa bahawa perjalanan kerja-kerja Jawatankuasa Kira-kira Wang Negara (PAC) telah tergendala oleh beberapa sebab dan dengan ini memutuskan untuk meminta Tuan Yang di Pertua Dewan Rakyat dengan segera melicinkan semula perjalanan Jawatankuasa itu.”

[Perdana Menteri]

25. PR-1333-U69807

Dato' Kamarudin bin Jaffar [Tumpat] akan mencadangkan:-

“Bahawa Dewan ini amat tidak berpuas hati dengan kemajuan pembinaan rumah-rumah untuk mangsa banjir negeri Kelantan. Oleh itu Dewan ini mendesak Kerajaan Pusat berusaha dengan lebih gigih lagi bersama dengan Kerajaan Negeri Kelantan untuk melipatgandakan usaha pembinaan rumah-rumah tersebut.”

[Perdana Menteri]

26. PR-1333-U70769

Dato' Johari bin Abdul [Sungai Petani] akan mencadangkan:-

“Bahawa Dewan ini mengambil maklum, hubungan antara kaum mutakhir ini makin meruncing dan jika tidak dibendung akan mencapai tahap amat merbahaya dan akibatnya negara akan hancur seperti yang terjadi di negara-negara lain yang sedang bergolak akibat isu perkauman. Bila rakyat Malaysia berbangsa Dayak, Kadazan, Orang Asal, Cina, Melayu, Jawa, Bugis atau apa suku kaum sekalipun mengkritik dan mempersoalkan hal tatakelola Negara dan kepimpinan Perdana Menteri dan Kabinetnya, rakyat tidak mempersoalkan ras Perdana Menteri. Rakyat mempersoal Perdana Menteri atas kapasiti beliau sebagai Ketua Eksekutif Negara. BERSIH 4.0 menganjurkan demo jalanan kerana mendesak Perdana Menteri memberi jawapan kepada banyak persoalan yang tidak terjawab.

Soal 1MDB, Derma RM 2.6 bilion, Pertukaran Pegawai-pegawai SPRM, Penamatan khidmat Tan Sri Gani Patail sebagai Pendakwa Raya, pembebasan Abdul Razak Baginda yang rapat dengan Perdana Menteri dalam kes pembunuhan Altantuya Shaaribuu yang amat memalukan negara dan banyak lagi isu yang amat-amat mendesak yang tidak dijawab oleh Perdana Menteri secara meyakinkan. Untuk itu Kerajaan mesti membezakan mengkritik Perdana Menteri bukan mengkritik bangsa Perdana Menteri tetapi kerana Perdana Menteri adalah Ketua Eksekutif Negara yang sememangnya boleh dikritik yang dibenarkan oleh sistem pemerintahan yang diamalkan di negara ini.”

[Perdana Menteri]

27. PR-1333-U70770

Dato' Johari bin Abdul [Sungai Petani] akan mencadangkan:-

“Bahawa Dewan ini mengambil maklum, bila UMNO dan NGO yang menyokong UMNO menganjurkan demo jalanan bertemakan Himpunan Maruah Melayu pada 16 September 2015 yang kemarahan disasarkan kepada rakyat kaum Cina, yang dikatakan mendominasi Himpunan BERSIH 4.0 pada 29 dan 30 Ogos 2015, penganjur memilih kaum Cina sebagai fokus serangan. Penganjur membawa posters dan banners tertulis kata-kata provokasi dan perkauman yang amat merbahaya seperti “Ini Tanah Melayu, Cina boleh keluar”. “Bawa parang dan keris. Tetak Cina. Umno perlukan anda”. Sedangkan yang keluar dijalanan pada 29 dan 30 Ogos 2015 rakyat dari berbagai kaum termasuk Melayu dan Bumiputra yang lain. Kaum lain selain Cina juga menyuarakan perasaan tidak puas hati mereka terhadap Perdana Menteri. Di mana yang dikatakan Cina menghina Melayu dan Maruah Melayu dicabar. Kerajaan mesti berjiwa besar. Walaupun Kerajaan Barisan Nasional diterajui oleh UMNO dan Melayu tetapi rakyat negara ini terdiri dari berbagai bangsa yang wajib dilindungi dan dihormati.”

[Perdana Menteri]

28. PR-1333-U70772

Dato' Johari bin Abdul [Sungai Petani] akan mencadangkan:-

“Bahawa Dewan ini mengambil maklum, penyakit Denggi akibat jangkitan nyamuk di Malaysia telah mencapai satu tahap yang merbahaya. Lebih parah kematian akibat penyakit ini sudah diterima sebagai satu yang lumrah dan tidak ada rasa bersalah oleh pemerintah. Kerajaan sepatutnya menubuhkan satu institusi khas bagi melawan wabak ini dengan memberikan peruntukan kewangan yang secukupnya serta membekalkan berbagai pakar bagi menjadikan institusi ini betul-betul memberi tumpukan dan perhatian kepada masalah yang begitu lama tidak dapat diselesaikan. Malaysia mesti memainkan peranan utama dan boleh menjadi juara dalam memerangi penyakit ini bukan sahaja di rantau ini malah di dunia. Kerajaan mesti serius dan komited dalam hal ini.”

[Menteri Kesihatan]

29. PR-1333-U70774

Dato' Johari bin Abdul [Sungai Petani] akan mencadangkan:-

“Bahawa Dewan ini mengambil maklum, Kementerian Belia dan Sukan banyak memberi tumpuan kepada pembangunan sukan tetapi meninggalkan pembangunan belia di belakang. Setiap tahun ribuan anak-anak Malaysia yang keluar dari sekolah dan ramai yang tidak melanjutkan pelajaran ke pengajian tinggi atas berbagai sebab dan alasan. Akibat tidak ada program wajib yang mesti diikuti dan disertai oleh mereka, mereka menjadi satu eset yang amat bernilai yang terbiar dan tidak dimanfaatkan sepenuhnya. Adalah dicadangkan anak-anak ini, didaftarkan dan diwajibkan menyertai Khidmat negara selama dua tahun seperti yang dilakukan dikebanyakan negara. Semasa dalam program ini, pilih dua atau tiga bidang ilmu yang boleh memberi menafaat berterusan bila mereka tamat program nanti. Sebagai contoh, ilmu motor mekanik dan elektrik. Selepas dua tahun mereka boleh berdikari dan bantuan susulan boleh diusahakan. Untuk memastikan program ini berjaya ianya mesti dilaksanakan sebagai program wajib dan dikembangkan dengan elemen ketenteraan.”

[Menteri Belia dan Sukan]

30. PR-1333-U70776

Dato' Johari bin Abdul [Sungai Petani] akan mencadangkan:-

“Bahawa Dewan ini mengambil maklum, kegiatan merempit oleh anak-anak muda khasnya anak Melayu amat memalukan bangsa dan Kerajaan. Kerajaan seolah-oleh tidak ada jawapan pada permasalahan ini. Mereka yang merempit bukan sahaja membahayakan nyawa mereka juga nyawa orang awam. Adalah dicadangkan pihak polis menggunakan anggota Cawangan Khas bagi meninjau dan kenal pasti ketua kumpulan ini dan menahan mereka atas undang-undang yang sedia ada. Penahanan mereka hendaklah dihebahkan dalam akhbar dan media elektronik. Menahan mereka untuk beberapa malam di lokap dan jika ada bukti yang cukup mendakwa mereka di mahkamah akan menghantar mesej yang jelas bahawa kegiatan mereka amat merbahaya dan amat dibenci oleh masyarakat. Ini mesti dilakukan secara konsisten bukan berkala.”

[Menteri Dalam Negeri]

31. PR-1333-U70806

Tuan Manivanan a/l Gowindasamy [Kapar] akan mencadangkan:-

“Bahawa Dewan ini mempertimbangkan cadangan untuk menghalang dan mengharamkan penjualan arak murahan (cheap liquor) secara mudah dan murah yang semakin berleluasa. Gegaja pengambilan arak murahan ini menimbulkan pelbagai masalah sosial seperti keganasan rumah tangga dan gengsterisme serta merosakkan organ dalaman. Di samping itu, kawalan dan penyeliaan terhadap kedai-kedai menjual arak perlu diketatkan. Masa penjualan

arak dan lokasi minum arak perlu dikaji. Kawasan tempat awam seperti di taman awam dan taman permainan kanak-kanak, minum arak wajib diharamkan. Dewan ini juga wajib mempertimbangkan penubuhan Pusat Pemulihan Arak (PPA) di setiap negeri di Malaysia untuk membendung masalah minum arak yang semakin berleluasa di kalangan anak muda merentasi sempadan bangsa dan agama.”

[Menteri Kesejahteraan Bandar, Perumahan dan Kerajaan Tempatan]

32. PR-1333-U70808

Tuan Manivanan a/l Gowindasamy [Kapar] akan mencadangkan:-

“Bahawa Dewan ini mempertimbangkan cadangan untuk kes kematian di bawah tahanan Polis DiRaja Malaysia, keluarga si mati diberi kebenaran sepenuhnya untuk memperoleh Pakar Perubatan Forensik sendiri bagi mewakili pihak keluarga si mati semasa bedah siasat dijalankan.”

[Menteri Dalam Negeri]

33. PR-1333-U70809

Tuan Manivanan a/l Gowindasamy [Kapar] akan mencadangkan:-

“Bahawa Dewan ini mendesak agar pendidikan agama diperkenalkan di sekolah kepada pelajar bukan Islam sebagai langkah untuk menerapkan nilai-nilai murni dan keagamaan di kalangan pelajar bukan Islam bagi menangani gejala sosial yang kian meningkat dan berleluasa akibat daripada kegagalan sistem pendidikan di Malaysia.”

[Menteri Pendidikan]

34. **Dato’ Seri Dr. Wan Azizah binti Wan Ismail [Permatang Pauh]** akan mencadangkan :-

“Bahawa Dewan ini tidak ada kepercayaan terhadap Yang Amat Berhormat Pekan Dato’ Seri Najib Tun Razak sebagai Perdana Menteri Malaysia.”

[Perdana Menteri]

35. **Tuan Gobind Singh Deo [Puchong]** akan mencadangkan :-

“Bahawa mengikut Peraturan Mesyuarat 43 dibaca bersama Peraturan Mesyuarat 99 Peraturan-Peraturan Majlis Mesyuarat Dewan Rakyat, Dewan Yang Mulia ini mengkaji semula dan mengenepikan keputusan Yang di-Pertua YB Dato Seri Dr. Ronald Kiandee, yang membenarkan usul untuk menggantung Yang Berhormat Tuan Lim Kit Siang, Ahli Parlimen Gelang Patah daripada Perkhidmatan sebagai Ahli Parlimen selama 6 bulan dibahas tanpa rujukan dibuat kepada Jawatankuasa Hak dan Kebebasan sepertimana menurut Peraturan 80A Peraturan-Peraturan Majlis Mesyuarat.”

[Perdana Menteri]

36. **Tuan Mohd Rafizi bin Ramli [Pandan]** akan mencadangkan :-

“Bahawa Dewan ini menggesa supaya Tenaga Nasional Berhad hanya membayar jumlah yang sepadan dengan nilai pasaran aset-aset *Independent Power Producers* (IPP) yang dimiliki oleh 1MDB dan Dewan berpendapat bahawa harga siling mengikut nilai pasaran bagi aset-aset itu adalah Ringgit Malaysia Lapan Bilion (RM8,000,000,000) sahaja”.

[Menteri Kewangan]

**RISALAT-RISALAT YANG DIBAWA KE DALAM MESYUARAT
(DEWAN RAKYAT)**

<u>TAHUN 2015</u>	<u>RISALAT/DOKUMEN</u>	<u>TARIKH DIBENTANGKAN</u>
ST.92	Laporan Kajian Semula Persempadanan Mengenai Syor-Syor Yang Dicapadangkan Bagi Bahagian-Bahagian Pilihan Raya Persekutuan dan Negeri di Dalam Negeri Sarawak Kali Keenam Tahun 2015	26 November 2015
ST.93	Perintah Perlembagaan Persekutuan (Persempadanan Bahagian-Bahagian Pilihan Raya) (Negeri Sarawak) 2015	26 November 2015
ST.130	Laporan Tahunan dan Penyata Kewangan Lembaga Penduduk dan Pembangunan Keluarga Negara Bagi Tahun 2014	26 November 2015
ST.133	Laporan Tahunan dan Penyata Kewangan Lembaga Minyak Sawit Malaysia Bagi Tahun 2014	26 November 2015
ST.148	Laporan Tahunan dan Penyata Kewangan Perbadanan Kemajuan Kraftangan Malaysia (KRAFTANGAN) Bagi Tahun 2014	26 November 2015